



هالة العكرمي

روح غريقة

أشعار بالعامية المصرية

الطبعة الأولى ديسمبر 2020

روح غريقة

بطاقة الكتاب

روح غريقة	عنوان المؤلف
هالة العكرمي	المؤلف
أشعار بالعامية المصرية	التصنيف
2020 - 21488	رقم الإيداع
978-977-6835-35-1	الترقيم الدولي
689 الطبعة الأولى 2020	رقم الإصدار
138 صفحة	عدد الصفحات
مؤسسة النيل والفرات	الإخراج الفني

جميع حقوق الطبع والنشر محفوظة للمؤلف، ولا يحق لأي دار نشر طبع ونشر وتوزيع الكتاب أو ترجمته أو الاقتباس منه أو نشره على التت إلا بموافقة كتابية وموثقة من المؤلف

رخصة محاولة ممنة: 58365 - سجل نهاري: 13242 / 2017 - بطاقة ضريبية: 35-01-572
عضو عامل باتحاد الناشرين المصريين رقم 941 لسنة 2018
هاتف: 01011256943 - 01116202218 - 01202541192 طيفاني: 020554372901
naggygy200064@gmail.com النيل والفرات
alnilwaalfourat@gmail.com alnilwaalfourat
للتنزيل الإلكتروني: ج.م.ع محافظة الشرقية - العاشر من رمضان - مجاورة 13 - امام سنتر الد3 - 304



رئيس مجلس إدارة مؤسسة النيل والفرات

ناجى عبد المنعم

رئيس مجلس إدارة جريدة صدى المستقبل

د. إبراهيم عبد الحميد

المشرف العام

أشرف بدير

رئيس لجنة التحكيم

عبد العزيز بندق

المدير العام

د. أماني إبراهيم

المدير الفني

سميرة محمودى

لجنة التحكيم

د. محمد فتحي محمد فوزي

كاظم العطشان

عبد المجيد بطالي

د. سليمة القزيري

د. حمدي عيسى الطيرة

رضا أبو الغيط

إيهاب همام

فوز مستحق لبدا كبير

بقلم الأديب المستشار

أشرف بدير

المشرف العام وأمين عام المهرجانات



لم تكن مسابقة فارس الإبداع العربي التي أقامتها مؤسسة النيل والفرات للطبع والنشر والتوزيع بمصر ومنظمة صدى المستقبل الإعلامية الليبية ، لم تكن مجرد مسابقة أدبية عادية، بل كانت مسابقة أدبية عربية دولية، تنافس فيها أطراف من المبدعين العرب، كل في مجال إبداعه، لذا دنت أعداد المشاركين من الألفي مشارك، وانطبقت معايير المسابقة وشروطها على ما يقرب من سبعمئة مبدع، ثم أفرزت لجان التحكيم من فاز بالمراكز الأولى حتى الثالثة بما يقرب من الخمسين مبدعا في كافة مجالات المسابقة، فضلا عن كونهم من القامات الأدبية العربية السامقة، ذلك ما أهل المسابقة لأن تكون الأولى عربيا وضمن العشر مسابقات دولية في مجال الأدب العربي..لذا ، عندما يفوز أي عمل في تلك المسابقة فإن هذا يؤكد جدارته، حيث مر بعدة مراحل من مراحل المسابقة، فقد مر على لجان المراجعة، ثم على لجان التحكيم، ثم على اللجنة العليا للمسابقة.. من هنا كان هذا العمل الذي بين أيدينا (الفائز بلقب فارس الإبداع العربي) مثارا للفخر للقائمين على المسابقة قبل أن يكون كذلك بالنسبة لمؤلفه، فهنيئا لكم إخواننا وأخواتنا أساتذتنا المبدعين لهذا الفوز المستحق، ومريدا من النجاح والتقدم..

الإهداء

إلى ذلك الطيف الجميل الذي ينساب في هدوء نحو
أعماقنا فيبعث السعادة في قلوبنا

هالة العكرمي

عشقى عنيك

“

عيونك قلبى يعشقهم
ووردك ع الخدود أفراح
وصوتك لحن يسكرني
وقلبك بالأمل طراح
بحبك، لو يلوموني
ولو كان الملام جرّاح!
أعيش عمري على حبك
يغير الورد من صورتك
وأنام واصحي علي سيرتك
ونبض القلب بيك هايم
وبتنفس نسايم شوق
وتنعش مهجتي عبيرك
بحبك حتي فى صمتي

وبكتبك حروفي حنين
وبغزلك رسايل شوق
ولما تغيب يزيد الشوق
بحبك إنت مهما يكون
يفوت ع القلب مائة وألف
ولو فاتوا عليه مليون
فقلبي يعشقتك إنت
يا عشق القلب
عشق الروح
أنا بهواك
وعشقي جنون!
،،،

بنتي

بنتي حبيبتي اسم الله عليكي
كل ما ابص ف ضى عنكي
ألقى أجمل إحساس فيا
لما تنادى يا روحى عليا
حتى الحلم ال انا بحلم به
سبته وحلمك عشت انا جنبه
ما انتى سفينتى ال ف أحلامك
بعرف أفكارك ومنامك
كان قلبى على حلمك خاف
م الدنيا يا ما لف وشاف
انتى اللى بشوفك بعيونى
ما انتى حياتى وانتى جنونى
بلقى ف صورتك كل ملامحى
هفضل أحبك مهما تكونى

دبلة الخطوبة

ف اليوم ده كبرت «منورتي»
وهتلبس دبلة خطوبتها
فى اللحظة الغالية دي مين أدي
دي سعادتي فاقت فرحتها
بستنى اليوم ده من بدرى
و حبيبتي لسه فى لفتها
الغالية الأعلى من النني
بجمالها تزين طرحتها
وخطيبها الطيبه ف عيونه
من اول مره انا حسيتها
الفرحه اهي دقت على بابى
يارب تتم ويسعدها

وقدرت

شوف قد إيه عدي
أيام بئاليها
والروح مدوبها
بعدك بيكويها
بعدك جراح، وانت
واخذ على جرحي
والقسوة دي لإيمتي
تطفي شموع فرحي
ياللي هواك مكتوب
وانا بيه وبيك موعود
القلب ده مغصوب
حبي ما هو بيدي

غالب وانا المغلوب
موعود، وده وعدي
وقدرت يا الغالي،،
تبعد،،، تحيرني
وتعدي يا ليالي
فيكي الثواني ساعات
أصحى أنا وأبات
ع الحيرة والتسهد
يا منتهي حبي
قلبي غريب ووحيد
عمري وهوايا سراب
فاتح لأحبابي
قلبي،، وردوا الباب
قربك أمانى إنما
شبه المحال وصلك

واصل لأبعد سما
شوقي ولا واصلك
يا بحر إلهامي
طالت بنا المسافات
حتى الخطا تاهت
دابت على شطك
رحلة هوايا عذاب
نهايتها حرمانى
ضاعت أمانيه
راجع بأحزاني
ولا طلت منكم قرب
ولا واسيتوا القلب
ولا من هواكم تاب

سنابل نور

أنا أصلى سنابل نور وإيمان
و مادام القلب منبت خير
ومفتح زي ربيع أزهار
ويرش عبيره في كل مكان
افتح للدنيا قلب وروح
مطرح ما تروح هتلاقي حبيب
هتلاقي صديق أخ وإنسان
العشرة تدوم
والحب يخلي العيشة أمان
ولا تحسبهاش دنيا مصالح
لو تزرع اليوم،
فى الثاني صالح
ولا تعشق طبع الأنانية
الإيد السباقاة ندية
ولا تحلى الا بصدق النية
خليك زى النسمة رقيقة
زي الوردة جميلة ندية

و تو كالك ديما ع الرحمن
دا اكيد اللى انت بتكبر بيه
هايعيش لك بر حنان وأمان
يا بني الإنسان
متصون الود الود حنان
واحفظ عهدك ما تخون انسان
دا الصداقة والأخوة
عمر ما يقدرها مال
واركن مصالحك فى الجدار
سده بالطوب والحديد
الإنسانية دي شيء كبير
حافظ على قرب الصديق
واوعاك تفارقه فى الطريق
وماتخسروشي فى وقت ضيق ..
افتكر له الشاى معاك
لما كان زي الملاك
يشتهي لك الف خير ..
اوعى من زمن المصالح
والغباء تخسر مطارح
دا اللى جاى ما كانشي طارح ..
إلا لما حن ليك

الغيرة الحلوة

الغيره ماهيش كلمه بتتقال
وتعلّي ف صوتك بين الناس..
تخرجني وبتجرّح فيّ
وتموّت جوايا الاحساس..

الغيره الحلوة بنظره تبان
ومهيش محتاجة لاي كلام
محتاجة ترش عليّ حنان
وبثقتك فيا ..كفايه ملام..

البعد ماهوش بعدك عني
او تفصل بينا جبال وبحور
البعد ان انت تكون جنبي
واتمني ان انت ف لحظة تغور..

،،،

صدقني انت في قلبي تملي
وما يبعدناش طول المسافات
بس اهدي وخذ بالك مني
دا انا غلبانه وست الستات

،،،

هاتكون لي الكلمة ف صمت الروح
وتكون لي صديق وقت الأزمات
ح تكون لي براح من بعد الضيق
ونجوم الليل ودعاء سموات

،،،

وافتكر الحب اللي مابنا
كم مرة بعدنا وقلنا خلاص
الايك وقت الشدة معايا
وتططب على قلبي باخلاص

،،،

تسلم يا حياة قلبي يا غالي
يانسيم بيعشش ف خيالي
وتعيش كده تفرح ويايا
ونغني وتعزف موالي

،،،

بحور الحب علشانك
بتسعد شط أحزانك
قوم أخلع كل أوجاعك
والبس ليا توب الحياة

،،،

عنواني نفس عنوانك
بلد الحبايب والعشاق
وبابي فاتح على بابك
وبينهم وردة للمشتاق

،،،،،

ياللا سلام يسعد روحك
ياللي الهوى ساكن بوحك
كأس المحبة بينا حنان
وشوقي بيداي جروحك

،،،،،،،

نقطة ضعفى

،،،

هوا الحب يا ناس بيخوف
لما نداري،ونكتم نفسه
ولا نسمحه بكلمة بريئة
ببساطة يعبر عن نفسه
هوا الحب خيال أو وهم
ولا حقيقة الناس عايشينها
مش بنحسه ف نبض القلب
مش بنام وبنصحي نفكر
ولا الحب ده عيب أو منكر
حد يقوللي

ليه بنحب يا ناس وبننكر
ليه بصراحة م بنقولهاش
نقطة ضعفى حقيقي يا قلبي
مش في هواك
لكن ضعف اللي انت هويته
اللي اديته زهر شبابك
حاسس بيك جدا متأثر
والحرمان يكويه في غيابك

كل مشاعرك حاسس بيها
ومقدرها
مش هنقول ما بقدرهاش
لكن خوفه
خلي سكوته
قافل كل ببيان القلب
مانع عنه الهوا والميه
والحنية جواه تدبل
زي الزرع تمام ما بيدبل
لما نسببه كتير عطشان
يوم ورا يوم وبقدرة قادر
نلقي الرقة دي تبقي قساوة
واحنا بكل غباوة بنقتل
أجمل شيء مخلوق جوانا
عايش فينا
وله أنفاس،،له همس
وصوت
واحنا بنخنق فيه بإدينا
زي العادة
وبعد أوان الشيء ما يفوت
فجأة نلاقي الحب يموت

تسمحي لي

تسمحي أوصف شوقي
و أغازلك
يصبح قلبي حمامة غزلك
وازرع نبضي جواة قلبك

طيب أنا مش ياما سمحت
وانت فضلت تغازل قلبي
قلت كلام في الحب وزدت

أنا مش بس لوقت فراغك
ولا قلبي هيستحمل غيرتك
رغم بعادك بيحب سيرتك
ألقاك تيجي تصالح مرة
ترجع تاني تزود عندك
لما تحب تغازل تاني
يبقي برقة وبحنية
تلقي حناني ببحضن قلبك

والقي الروح هيمانة ف حبك
دانت بتملك قلبي بنظرة
وبهمسة رقيقة بتسحرني

طب وحياتك غصبن عني
والي يحب بغير علي حبه

واني أخاصمك شيء مش
وارد
علشان قلبي أسير لهواكي
وان طال بعدك ليلة ويوم
روحي تسيبيني وليكي
تطير

خايفة أوافئك، خايفة أصدق
ترجع زي الأول تاني
وانا مش هقدر تاني اتحمل
منك أي عذاب أو قسوة
أيوة ساعتها أوام هتحول
ولا هقبل منك أعذار
هبعد مهما البعد يطول

أنا حذرتك وانت أختار

طب حاولي تسامحي

المرادي

جايلك شاييل كل ذنوبي

إنسى الماضي وداري عيوبي

وان ما صدقتش يبقي جزائي

ولا من حقي عتاب أو لوم

بعدك عني عذاب و جحيم

نار الوحدة ف كل دروبي

ياما قضينا سنين وسنين

تعشقي حرفي وفيه تدوبي

سواح

وحبيبي أنا لماح
عارف ومتأكد
إن هواه أفراح
لكن ساعات يعغد
يغريني أنا بصورة
أحтар في أوصافها
يا بو الخدود تفاح
عيني إذا تشوفها
تصبح لها أسيرة
بيني وبينه بلاد
وبروحي أنا مسافر
بين البلاد سواح
ينده علي قلبي
قلبي يقول شببك
منك جنون الشوق
خدني لألف طريق
وف كل نظرة عنك
تديني تأشيرة

سبب قلبك يحب

ماتسبب قلبك يحب
بالحب تفضل حيّ
الحب أصله حنين
وقلب فيه الضيّ
بيحس بيه الحبيب
وتشوفه في عيونه
يشع فينا بنوره
يسكن عنيك وعنّي
رب العباد يرضيك
ويعين على اللي جيّ

مستحيل

ان كنت ناوى ع الرحيل ..
ارحل وفارق من سكات
قلبك شايفنى مستحيل ..
مسافات بتفصلنا ساعات
وانت اللى ساكن فى العيون ..
والنبض والعمر اللى فات
غرقانة فى بحر الظنون ..
وقصيدتى مليها الآهات

نبح البهجة والأفراح

صباح الورد .. لما يفوح
ويهمس لك بأجمل بوح
يُنَاجِي نبض إحساسك
وبيقى لك يا قلبي سماح

يدق القلب في غيابك
يزيد الشوق على بابك
ويرمى الورد والبسمه
يانبع البهجة والأفراح

انت اللى ملكت الروح
وطيبت الآلام والنوح
فمن حقك تعيش مرتاح
وتطمئن كده .. وترتاح

يا عازف لحنى بكمنجه
صباح عصفور بيتمنجه
يزقزق ويأ احساسنا
ويهدينا أمل وضاح

صباح المسك والعنبر
صباحك شهد ومكرر
صباحك فل ياسكر
صباحك أحلى م التفاح

وقت الخسوف

كل المشاعر لملمت خيط الهيام
لما القمر نوى ع الفراق
سابني وحيد وبدون كلام
قلبي ساعتها انخطف طلع السما
يبحث ف ضلمه عن نجوم متبسما
تبعث شعاع لقلب عاشق بالوما
من غير حبيب ولأ صديق
هنقول على الدنيا السلام

عطر السوسنة

صباح أمل يشقشق
ويحضن فجرنا
يشق حلمي الفتى
يعزف أحلى غنا
يناجى السهرانيين
ويسكن القلوب
بوصال مليون حنين
يخلى الروح تدوب
د احضان الحبايب
شروق بعد الغروب
والحلم اللى ف قلوبنا
فيه عطر السوسنة

نبض الحب

كل ثانية اهاجر فيك
وفد احساسك الدافئ
وفد ملامح شوق ماليك
يتولد حنين صافي
الكلام هاجر في همسك
والايدين تعشق بلمسك
والزمن لو ينسي سهده
نبض الحب بينا كافئ

موج الحب

وموج الحب لا يرحم
ولا يبحن ع العاشقين

سفينة ماشية بالمقلوب
وانا ماشي كما المغلوب
ويا ما قلوب حوالينا
يعيشوا زينا ف غربة

وفي الدنيا بقلنا سنين
بتيجي الموجه لا ترحم
ولا بتحن ع المسكين

يا موجة حب ماتحني
دقلبي بجرحه متحني
كفايا الغربه وخذانا
وانتي علينا تتجني

يا بحر وحن شوف قلبي
فى ليل احزاني متخبي
وخايفه عليه .. من موجك
ده موج الحب لا يرحم
ولا بيحن ع العاشقين

ما تيجي نعيشها م الأول
وعني الموجه تتحول
واحب واعيش
كما الدراويش

واغني يقولوا قواله
ومن همسي حروف اسمي
يقولوا الشعر من هاله

بالهداوة

كل شيء مات بالقساوة
وانت ماعندك هداوة
الكلام مافيهوش حنان
والبعاد قتل الغلاوة

وحده وحده لو تفكر
الحياة بالحب سكر
طعمها الشهد المكرر
بالهدوء هتزيد حلاوة

انس ماضى مات وراح
قلة الأحزان جراح
فرحتك شهد الصباح
متعتك حمد وتلاوة

الخيوط قوه ف حبالها
والحدود رسمت آمالها
كل نفس اكيد ف حالها
إرمى من قلبك عداوة

النهار م الفجر شقشق
فى القلوب عصفور يزقزق
والأمل فرحان يحقق
حلم قلبك بالهناوة

القلوب ترقص عشانك
والمرار يخليه لسانك ..
يا اللى نبضي من حنانك
ياللى فيك طعم الشقاوة

دهشة

والاقي فـ حـضـنـك الدهشة
وخوف من غربة الأيام
لتبعـدنا
وبعدك عني نارها آلام
بتكويني
وروحـي مش معاك عايشه
ومقسومه كده نصين
وأروح أنا فين
يا راوى كل حكاياتي
معاك انت ... تفاصيلها
تروح عني وترجلي
وتدخل جنتي بسلام
واحلامي تشيلها لي
على جناحك تلونها
وانفاسك دفا عمري
فى أيامي مالميش غيرها

يوم ميلادى

يوم ميلادى روتين وهادى
كل شيء فيه اعتيادى
الحياة صعبه وممله
ننتظر بسط الايادى

..

بالمحبه نلقى ذاتنا
نور فى حضنك يابلادى
والمطر يغسل قلوبنا
ع الخدود الورد نادى

..

كل الناس جيه تهنيني
بالحلم الغالى تمنيني
ورد وتورته كمان تهديني
ومعاهم اجمل دعوات

..

شكرا لحبايبي الغاليين
أنا بيكم اسعد إنسانه
وجميلكم شيلاه ف العين
وبفضل الله أنا فراحته

..

بيحبها (1)

وهى ماعمرها حبته
وايه يفيد لذة وجودها فدنيته
دالعيشة تحلى بالغرام بين القلوب
اتنين يعيشوا جوه بعض معشقين
ساكنين تفاصيل الحكاية للأبد
والعشق عمره مراح زبد
وقت المحن يسندها وهى تسنده.

بيحبها (2)

عاشق ترابها وحضنها
يفديها بسنينه العجاف
واللقمه ف ايدين الولاد
ياكلوها حاف ..
والضرع خف
صابه في المساء نوع م الجفاف ...
نهبوه ولاد مش منّا ...
راضى بقدرها م الكفاف ..
يحلم بستر من العفاف ..
يكفيه وجوده ف أرضها
د الجنه نيلها وشمسها
وأمانها مذكور فى الكتاب ..

انت

أنت غنوة حب باقية
وسط أرضي أنت ساقية
كل زرعي معاها مال

فيها شوقك لحن صافى ..
صوت بينده بس دافى ..
تترسم بيه الامال ..

انت سكنى وجنتى ..
وانت ساكن مهجتى ..
وانت سعدى فى الوصال ..

وانت رغم البعد جنبى ..
تروى إحساسى وقلبى
نجم سابح فى الخيال

بصراحه بجد

أنا نفسي أقول للي بحبه
إني بحبك موووت!
مشتاق لك موت
وقاتلني الشوق
وواخذني حنيني
لسحر عنيك
مش عارف إيه اللي مانعني؟!
مش عارف خايف من إيه؟
طب أقوله،،،
ولا ما قولوشي؟
طب أعمل إيه؟!
خايف يعاتبني
،،،،، يخاصمني
خايف يبعدني وما أقدر شي
ولا يقدر قلبي على بعهاده
وانا طبعي عنيد
إنما طبعه

قاسي في خصامه وف بعباده!
حيران والله ف أمر الحب
وتاعبني معاه،،،،
وتاعبلي القلب
طب أقوله،،،،
ولا ما أقولوشي
بصراحة انا خايف اتكلم
أسكت
ما انا قلبي هيتالم،،،،!
طب أعمل إيه ؟!
حد يقولي،،،،،!
أكتبله وأقوله إلهي ف بالي
ما انا لازم أحكيه عن حالي
سطين وخلص
واستني الرد
يا ابو أحلى عيون،،،،
واخد بالك
أنا بيبك مشغول
ولا على بالك
عاشق لشفافك
وعيونك

وشفايفك دول
أحلي من الشهد !
والورد اتفتح ف
خدودك
وخدودك دول
أحلي من الورد
بصراحة بحبك
وبحبك
بصراحة بجد،،،،!
،،،،،،،،

مش خايف

وعامل نفسي مش خايف
وجوه ضلوعي ألفين اه
ويوم مالبكى باكون آسف
ومر الشكوى ما بانساه
أنا صابر كده وراضى
وناسى جرحى مش شايف
غير الواقفه بباب الله

هاتنام وعينى تحرسك
وقلبي شمعة تونسك
يسهر يناجيك بالحنين
وبنبض قلبي يحسسك

شهد النقا

اليوم طويل ..
والفجر زايد فى البعاد
والليل عليل ..
من كتر ساعات السهاد
بيدارى دمعته من نار حنين ..
وأنين بينزف من الجراح
وآلام ماتمحيها السنين
خايفة بعادك يا حبيبى عن عيوني ..
وخايفة دقات الألم تضرب ساعات الانتظار
ارجع يا عمري
واملا بالأفراح حياتي
من كأس غرامك
من حنان قلبك نغم ..
تحلو بيه لينا الحياة ..
ارجع ياروحي لحضن مليان بالدفا
شهد النقا يدوب مرار الإنتظار .

توبة

لسه عيونه بتترجاني
وبتتوسل بالأيام
وبيستني مني حناني
بعد ما عشت الحب آلام
هوه الدمع حلال في عيوني
أما الضحكة لقلبي حرام؟
حتى نجومى بتهجر ليلي
وأعيش وحدي
ف ليل أو هام
آه م الدنيا واللي جرالها
توبة ان كنت أقول يا غرام

حروف العين

مش كل حرف بنفتحه أو نكسره
يمكن يكون عاوز سكون،
يرتاح،، وفيه يهدا الأئين!
أو شدة فى يوم تسنده
لما الزمان يركن عليه،،
وعليه يجور!
كل الحروف محتاجة حركة،،،،،
مش محتاجة خوف!
وادين حنان،، تتمد تعطيها الأمان
ونقط؛ علي الجنبيين صفوف
القلب محتاج السكينة تأهله
يستقبل القلب المغامر بالجنون!
يفرد جناحه عليه،،
يضمه،،،، وينصفه
من غير ما إيده تكتفه،،
وتتوه ملامحه
تهز صورته فى العيون

مش معقول

بسأل أنا عن أخبارك
وانا اللي فى حبك مشغول
يسعد صباحك ونهارك
يا جميل وحسنك مش معقول
يا بدر فى علاك بنظرك
ومين هيقدر يوصلك؟
ببعت حنيني وشوقي إليك
واناجيك وبدموعي اكتبلك
أنا اللي عاشقك وبقالي
سنين بغني ف موالى
النجمة تشهد على حالى
وحالى عن حالى يدلك
الله يابدر على جمالك
ما لقيتش فى الدنيا مثالك
الورد يعشق أنوارك
وأسرني وردك على فلك
تشغل قلوب وتدوبها

طب وانت مين يشغل بالك
ومين يحن إليه قلبك
ياريتني يا جميل على بالك
بموت أنا وأحيا بحبك !

نفسى أقرب منك أكثر

نفسى أسكر من عنيك
نفسى إيدي دى بحنائها
تلمسك....
تحضن إيديك
نفسى اضمك بين ضلوعي
قلبي فى حضنه يداريك
نفسى أقطف ورد خدك
همسة حلوة من شفائيك
تملا قلبي وروحي نشوة
نفسى أدوق بكاساتها شهدك
يا جمال الدنيا دية
كل حاجة حلوة فيك!

،

، صباح العيد ،،

" منسي "

.....

صباح العيد
محني كفوفه، ومعطر
بوردي ربيع.....
يهل بضحكته ،،، ينور
عليكي يا أمي من إبنك
شهيد جايلك في يوم عيدك
يبوس إيدك،،،
يبوس خدك
وتمسح فرحته دمعك
صباح غالي علي الغالية
أنا "منسي" ودا قلبي
ودي روعي اللي في حضنك
بحبك كنت أنا موعود
وعشقك في الوريد نابض
جايلك بزفة فرح

بالقلب ويا الروح
مرفوعة هامتي لفوق
والقلب راضي سعيد
دمى ف رحابك طرح
ورده بلا مواعيد
وجروحي منها يفوح
العطر فى ربوعك
أنسام فى كل مكان
وبارود يحمى الحدود
فى كل صبح ومسا
تلاقيني يا أمى
فى القلب روح مؤنسة
فى عنيكى أجمل عيد

أجمل صورة

وأجمل صورة فى قلبى
وطابعاها ف سماها الروح
تفوت ع العين صور ياما
تفوت لحظة نلاقيها تروح
ويفضل لى حنان قلبك
ويفضل لى جمال الروح
وايد تلمس ضنا قلبي
تدوب فيه آلام وجروح
مشيت فيك يا زمان تاهت
على دروبك خطاويه
أتاري زمانى مش هوه
وأيام تايهة ملامحها
وحلمي فى الخيال مرسوم
مفيش فى الرؤية أى وضوح
وبين اللحظة والثانية
بيظهر فى السما نجمي
واشوف الحلم فى عيونك

برغم البعد نتقابل
ونتبادل محبة وشوق
تضم القلب ف أحضانك
حنانك يروي عطشى سنين
أنا القلب اللي عاش محروم
وممنوع بالأمانى يبوح
فقربته...فتح بابه
وليك إنت الدخول مسموح!

روح غريقة

جوه قلبي كثير كلام
نفسي أقوله زى ما هو طالع تمام
بس ليه ما اعرفش خايف؟!
إيه مانعني،،والحقيقة
جوة قلبي،،،
والعيون شايفها واحنا بنداريها
صعب ليه دايمًا تكون
الكلمة صورة للحقيقة؟!
صعب ليه يبقى الكلام
نفس إحساسنا تمام؟
ياسلام،،!! لما كل الخلق تصدق
كلها تعيش الحياة بقلوب جريئة
لأ بريئة!
واحنا آخر حاجة بنقولها الحقيقة،!
حتى أجمل حاجة فينا
حب زي الفجر صافي
واحنا بنعتم عليه

بخل منا ولا خوف
ما اعرفش ليه؟
لكن اما نحب نهرب
عندنا مليون طريقة!
قلبي يا مجروح وواخد ع السكات
وانت جواك الحنين يصرخ آهات
قولى إيمتى الحب لملم
كل نبضة فيه بتنطق بالحياة؟
إيمتى ودع ولا مات؟!
إيمتى تعلنها صريحة؟
لما تيجي لحظة تلقى العمر فات؟!
قوللي ليه يا قلبي خايف ؟
ليه بتقفل ع الجراح؟
وانت عارف إنى غيرك
مش موافقك!
وانت شايف إنى ماشي ف سكة عكس الإتجاه!
نفسى أطيرو وأفرد جناحي ع البراح
بس رغم ده كله حابس جوة نفسي دمع نازف
عمرى فاتني معاك وسابلي
نفس تايهة،،وسط أحزانها
،،،،وغريقة !!!

يانيل

ألا يا نيل تعالى معاي
ونعزف للغناوى الناي
واشرب من جدايلك شاي..
واقول لحبيبي أنا جيت لك
وعمرى فى يوم ماكون نساى
قعدت فى يوم على شطك
وورد النيل هنا مفتح
طرح ورده الجميل فرح
بديع الورد في خدك
وشمس الحب فى ربوعك
بتضوى مسنبلة قمحك ..
يا نيل الحب طمني ..
حبيبي كان هنا جنبي ..
يسلبنى ويسعدني ..
ويوعدني انا وانت ..
ويسمع فى هواه لحنى
ويشرب من ايديه الشاى ..

ياشمسي ماتغيبش عني
وجودك شئى مطمئني ..
بان فيه أمل لسه ..
ونور الفجر مستني ..
ظهور الشمس بتلاغى ..
على شطى هنا المرسي
وقلبي يعشق المغنى ..
بكلمه حلوه أو معنى ..
وعش في يوم هايجمعنا

وقلب بيعشق الألحان
،،،، ويسمعنا
وريحة سوسنه أجمل
تملى القلب بالفرحه
وتغريدة طيور سارحه
بتشكر ربنا وتحمد ..

احنا حوا

حوا عالم فيه جماله
أم اخت وبنت عمّه
والحبيبه الكون بحاله
جده خاله هي لمّه

..

احنا نون بجوارها تسعد
رزق آدم من إلهه
حتى شوف الكل يشهد
إنها دفؤه وجاهه

..

معجونين رقه ومحبه
وان قست بترق تانى
تنسى خوفها وحبه حبه
تغزلك م الشوق أمانى

..

احنا من ضلعك يا آدم
السكن والود فينا

السعاده لو تقرب
حُضن دافى تلتقينا

..

حوا جنه ياعم آدم
صونها واتمنى رضاها
يبقى لك احساسها خادم
فين مارحت هواك معاها

..

محتاجين عطف ورعاية
قول شهامة قول مروّه
الحنان والحب غاية
والجمال فى الاصل حوا
هاله العكرمى

...

خليك انسان

خليك انسان..

وتكالك ديما ع الرحمن
داالبسمة سنابل نور وإيمان
و مادام القلب منبت خير
ومفتح زي ربيع أزهار
ويرش عبيره في كل مكان
افتح للدنيا قلب وروح
مطرح ما تروح هتلاقي حبيب
هتلاقي صديق أخ وإنسان
العشرة تدوم
والحب يخلي العيشة أمان
ولا تحسبهاش دنيا مصالح
لو تزعل يوم،،
فى الثاني صالح
ولا تعشق طبع الأنانية
الإيد السباقه ندية
ولا تحلى الا بصدق النية

خليك زى النسمة رقيقة
زي الوردة جميلة ندية
خليك زى النبع الصافي
تمشي على الأرض تنبت خير
وتقول الكلمة تفرح قلب
تطبب جرح.. تلم الشمل
ترفف فوق الكل حنان
خليك إنسان
،،

العشرة دفا

الإيد ع الإيد بتقوي القلب
والحب يطمئن ويفرح
يحلو معاه طعم الدنيا والعشرة دفا
وصفاها لحب الناس عنوان
وصديقك ده اللي بصدقه معاك
حافظ عهدك .. بيصون ودك
وصداقته ما تتاقل بالمال
تلاقيه فى الأيام الصعبة
فى الفرح يشاركك والأحزان
حافظ على كل حبيب وصديق
على أخ يكونلك وقت الضيق
هيكونلك سندك ع الأيام
لا تبيعه ولا ف يوم تغدربه
ده أمانك من غدر الدنيا
والناس اللي ماليها الإحساس
فى قلوب الناس دول أغلى الناس
والحب الصادق والإخلاص
والعشرة دى أحلى ما فيك يا زمان

بيانولا

كلنا بنعيش على البيانولا
نسمع حكايات لاحباب اموات
من أول دوار العمدة
للساقية وزرعة عم سادات
والعزبه اللي ساكنها الناظر
و الباشا وكرباج اللذات

،،،

ما تقلش ازاي أو ليه ساكتين
على القهر ومر وعند سنين
دا قدرنا وعيشينه ف سكات
ف الصفحة الأولى نلاقى حياه
وف آخر سطر نلاقى ممات
اعزف لي كمان على البيانولا
أعصر أشواق متخبیه
وحنين ف القلب وف عنیه
ونهار مستني قدوم قلبك
يسأل ويفكر يوم فيه

““

رقصني باليه ع البيانولا
بَيِّن لي هموم سكنه ف وطني
وقلوب م القسوة سبب صمتي
والطفل يا حسرة قلبي عليه
من قرصة جوعه ومن بؤسه
زلزلي كياني، كسر ضهري
وقلوب مقسومة متين حنة
مكسورة وهية سبب كسري

““

آآآ ياورد حزين وف قلبه آهات
ياما شفنا البسمة على شفائفه
قطقتها الأيام المرة
ياما رسمت فى الليل قمرارية
كان ضي عنها أمل بكرة

““

من تاني، يا سحر البيانولا
من عطر زمان، من مغنى أصيل
عبد الوهاب، ثومة، وحليم
وطلب ونجاة، وطرب فايزة
وفريد، والعود يعزف تقاسيم

وشقاوة الحلوة الصبوحة
ع الدبكة تغنى جديد وقديم
ونميل ونهيم مع ليلى مراد
يا زمان الفن يا ريت تنعاد
لياليك الحلوة وأيامك
على أجمل لحن ننام ونقوم

،،،،،

يا بلدنا يا جنة أرض الله
واحة وطراحة بشاير خير
وضمائر الناس المرتاحة
بقناعة ، وطيبة، وحب الغير
والكرم، الطبع المتأصل
فى اولاد البلد الرجالة
متفصل همة وشهامة
والبركة فى إيدين شغالة
وكرامة، وعزة، وعزم حديد
أجيال بتسلم للأجيال
فين راحت يا بلدنا الهمة
والذمة وإخلاص الجدعان
واللمة الحلوة والعيلة
والعيش والملح اللي بينصان

نتلاقي على الضحكة الحلوة
والكلمة الوعد أما بتتقال
فين هية الصورة اللي شافوها
الناس يا بهية بقالها زمان
أحوال جدت مش أحوالنا
وطبايع يا بلدنا دخيلة
ما تباله نخط الإيد فى الإيد
ونرجع لبلدنا صفاها
تعزف أنغامها البيانولا
وتقول ماحلاها ام الدنيا
محروسة بناسها وإخلاصها
والذكر الخالد فى القرآن،،

فیروز

كيف الرجوع يافيروز
والقلب ينتحب الفرخ
والجمر بايت ف الضلوع
والعمر أمسى ما صبح
,,,,,,,,,

الضربه بتموت حاجات
وتصحى فينا كثير حاجات
بتعلمنا ان القلب الطيب ديماً
مخدوع م البدايه للممات

سحر القمر

وبصيت للقمر لحظة
حلمت وتهت واتمنيت
ورحت معاه لجنتنا
وذقت هواها واتهنيت
حبيبي عزف لي غنوة
نجوم الكون بتحرسها
وفي سحر القمر غنيت

وخذني بحبه لبحاره
جمال الليل وأسراره
ادور بمداري ف مداره
وانول قربه ورحت وجيت

تعالى يا عمرى خبيني مع الأيام
دا لِسَّه العمر بنعيشه يادوب احلام
وايه الدنيا غير همسة وشوق وكلام
تعالى يا عمرى وكفاية نعيش اوهام

طريق الدنيا من غيرك
طريق مسدود
ووياءك الحياة فرحة ما ليها حدود
تعالى يا روى نتمنى ونحياها
نخليها انا وانت أمل منشود

ف حَضَنَ اللَّيْلَ

ف حَضَنَ اللَّيْلَ واسرارَه
وسحر الحب و الاحلام
يدوب حرفي مع حرفك
ويبقى الصمت بينا كلام
نقول يا زمان يا بحر حنان
وحلم قلوبنا نور وأمان
وترجع يوم من الأيام
علي نبضك راح اصحى وانام
وتجمعنا قصايد شوق
وتتنفس حروفنا غرام

كنا اتفقنا

كنا اتفقنا
ماحد يوم يفرقنا
لكننا ..
صعب علينا حبنا
وبايدينا مات القلب جوه حلمنا
كسر جدار الشوق
واتبدلت افرحنا تانى بهمنا
.. كنا اتفقنا..
نحفظ عهد للعشاق
نضم أشواق القلوب
نخاف على بعض ..
من غدر الزمن ومن الفراق
نلضم حبات السعادة ف لقانا
نعيش لحظة هنا ف هوانا
وان جه ف يوم لحظة بعاد
تودعنا
مسير الحب فى قلوبنا هيجمعنا

بس الحقيقة ان الزمن خداع ..
يزيد أنين وجراح
ويكسر الامل فى ألف جناح ..
وأنا عصفور حزين
ماليش غير زقزقة وتغريد ..
وقلب بجناحه يرفرف على طيره ..
يتمنى يشوف الفرحة ف عيونه ..
فينبض الامل ويزيد ..
يا أنا
معاك العمر أتمرّد
أصبح أجمد م الحديد ..
مادم الحب ف قلوبنا
ما يقدر موج يغرقنا ..
ولا يبعدنا عن مرسى
يجمعنا بضمة شوق
ونظرة لفوق ..
نقول للبدر يروينا غرام وحنين
ونزرع قل ع الخدين
تغنيلي واغنيلك
سوا بالحب موعودين

غرامك فرض

بتسألني بحبك ليه
كانك لسة مش عارف
وبتقولي دليلك إيه
كانك يعني مش شايف
جنون قلبي
ونار شوقه اللي كاوياني
ومر الصبر في ليالي
تعدى سنين
يكحل سهدا جفوني
وفكر ياخدني ويجيبني
أتوه بين حيرتي وظنوني
حنيني موج لكن عاتي
وبحر عنيك متوهني

متوه مركبي مني

ولا بيهدا

ولا للشط

،،، علي مرسي يرسيني

مغلبني في هواك ياللي

بسحر عينيك مدوبني

ومن غلبي أقول الآه

يرد صداها ليا آهين

مدي حبي حدود البحر

وشطوطه

مدي الأيام

وأبعد م السما والأرض

ولو كان الغرام سنة

غرامك إنت أول فرض

في بحر عنيك بنام

واصحي

وأعيش عمري ف هواك
أحلام
يومين أحزان، ويوم
فرحة
حقيقة تايهة في
الأوهام
وقلبك دقته تنادي
نداها يهز أوتاري
فيعزف قلبي لحن
هواك
بنفس النبض

هوا صحيح

صباح الفل والنرجس يا قلب سحاب
بنظرة قلبك الدافيه الجرح طاب
تشيلّ الفرحة ف جيوبك تزيد الاحباب
تدندن سومه سهرانه هنا وياك
وعاشقه عمري بالامه ف حضن هواك
بتسأل كل عاشق داب
هو صحيح الهوي غلاب
ارد واقول عذاب في عذاب
وجع وحنين ونار في غياب
وفرقة تحرق الأغصان
وطير غايب عن الأوطان
وشوق يرعد كما الإعصار
وحزن وغيمه والأمطار
تغرق قلبي ليل ونهار
ولا فارقه الحياه وياه
مدام بعد عن الأنظار

“

على انساك

حب الحياه

حب البشر.. حب الحياه
حب اللي من صنع الإله
طير أو شجر.. برد ومطر
والحر في الشتا يامحلاه..

حب الطفولة دي البرينه
اللي ضحكتها رقيقه
رغم احزانها اللي بيها
هي عنوان الحقيقه..

حب البلد دي بشمسها
ريحة غيطانها وزرعها
وبنيلها حاضن بحرها
وبطينها عاشق رملها..

دي نجمة فوق عرش الجمال
والنسمة دي سحر وخيال

الله علي وقت الغروب
سايق علي حروفي الدلال..

عشمان اوي في محبتك
حب السمار والجد عنه..
لوجي من قلب الصعيد
أو بحري بجماله العنيد
كل القلوب اهي إيد في إيد
ولا حد فيهم قال أنا..

السر حطه ف بير غويط
وبلاش تبوح بيه لأي حد..
او عاك تفكر في الوسيط
صدقني راح تندم بجد..
دي نفوس وشاربه من الوهن
ربك معاك ساعة المحن
طول مانت بتحب الوطن
هتلاقي جذر الروح دي مد..

ضلل علي الطفل البرئ
امسح علي شعر اليتيم..

أو مد إيدك للغريق
وأرسم طريقه المستقيم..

الدنيا واد أهبل عبيط
سحبانا للبحر الغويط
مهما تعيش وتكون حويط
هتسيبها ومفارق ف يوم..
ربك كبير ستار اوي
كاتب علي ملكه يدوم..

,,,,,,,,,,,,,

أحلام

ياليل يامرسي للأحلام
إتوصي بيا وبحلمي
حلمي بسيط جدا جدا
أصغر كثير اوي من سني..

حلمي اكون واحد مـ الناس
وأسكن في قلب يطمني..
يبنيلي دنيا من الإحساس
أبعد أنا يقرب مني..

يلمس بقلبه أشواقي
ويسرفل الجرح الباقي
ويكون دوايا وترياق
ولروحي ولقلبي يغني

يهديلي م الأفراح ألوان
يرسمني وبريشة فنان
يسقيني كاس الحب حنان
وساعات في بعده يجنني!

أنسي معاه كل الأحزان
ومابين إيديه يفرشلي آمان
ويشوفني جوه عينيه إنسان
واكون له في عيونه النني..

ياليل ياطير زي الأحلام
افرد جناح قلبك ليا
نور لي بالهوي لياليا
وياك في يوم تبعد عني..

الحب كله حنان وغرام
بيفك فينا أي لجام
وبايد يطبطب ع الايام
وكمنجه تعزف وتغني..

ياليل يا مرسال الأحلام
تعالالي يلا بسرعة اوام
وأكتب لي احلي وادفا كلام
مع شوق لهيبه بيقتلني..

محتاجه حب بكون صافي
ويكون لأوهامي الشافي
والقلب يصبح متعافي
هايجيني ولا هاخزلني؟!

كتبك

صباحك واحشهُ ضمة روح
بصوت دافي لإحساسي
صباحك غنوه همسة بوح
نغم صافي ماهوش قاسي..
كتبك ع الجدار ذكري
هوي ساكن في انفاسي..
صباحك نورهُ زغلل عيني
يا عيني ف ما تجافي يا نبراسي..
صباحك نسمة لامسه خدودي
أترجمها قصيدة حب واحفظها في كراسي..
صباح بيطير مابين قلبي وبين قلبك فيشغلني
يطير نومي من راسي..
مسا يجي وانا سهرانه عشقانه
عينيك السود ولسه الصبح ماجاشي
مسا سهران بدون قهوه
وخطفك قلبي على سهوه
بدون إنذار ولا استأذان
وفوق شطي هنا راسي

انا بتهجى

انا لسه فى حبك بتهجى
ف حروف العشق
وغرامي ليك من غير حجة
عنوانه الصدق
و اتعلم منك وتسيبني
مشغول البال
دّة بجد حرام
و العمر اهو فات
من غير ما اخد
غير بس كلام
ولا عمري شبت بموج حبك
ولا عمرك عديتني بحورك
طب امتى البال راح يظمن ..
ويامن انه صار منك
ويبان فى شعورك
واسعد واحس اني ف قلبك
عايشه جواه

وانعم بنعيمك
وبقربك واتوه وياه
بقى ده اسمه كلام
تبعد وعايزني اكون ديماً
عايشه الأحلام
وأنا صاحبة ومش شايفة حبك
غير ف الاوهام

براهن عليك

براهن عليك ..
يا ساكن الضي في عنيك ..
وشايل محبه في كاس للأحبه
وقنديل قلبك يشق عتمة ليل

تفوت عليه سنين يكبر
ويزيد جماله في كف متحنى
وان غاب القمر يظهر
وان كان الضهر محنى
ولا ولد ينفعه
ولا مال عنه يوم يغنى ..
كل إلهى فاضل
روح متعلقه فى حلم قديم
وابتسامه بتخبى دمع حزين
وبصيص امل بين الضلوع
يبرق يشع في حياه

عاليا

هيه بوستك طعمه ليه
انت حطه فيها ايه
كل ماخذ وحده تانيه
عايزه احطك بين عنيه

ولا حضنك مغرى جدا
فوق مشاعرى واحتمالى
اه يالولى يا حب غالى

لحد أمتى صوتك هينادينى
ساكنة قلبي وتشتاقيلى
اندهك ويدوب كياني
لما بعينكى تراعينى ،،،

والقى الضحكة مورده خدك
لونها احمر من لون نور وردك
بتشعلق فى هواك يالولى

قعدہ وساکنہ فی نن عیونی

ومهما بعدت برجع تانی
وتبقى يا قطة بين احضانی
ياللى معاكى بنسى الدنيا
وارجع طفلة في كل ايامی

عالیا یا ننوس عین نینا یاغالیة
تسلمیلی وتفضلی بنا
بكل سلامه وصحة هنية
انتی ف قلبی احلی هدية
يحمیکى ربی
يخليکى لی
یااجمل عالیا
““““““

صباحك جاي

صباحك جاي هنا وز غاريت
تهز الأرض، تحييها
بضحكه تطربك ك (فريد)
سنابل حب ترويها
بميه ومسك تهديها
لروح الأرض عطشانه ل بانيها
ف تطرح م الرجال أناشيد
و بالهمه ح تبنيها
صباح حالف يشق العتمه والغيمه
ومن نورك تزيد البهجه ك الخيمه
ف تتبدل تفاصيل المسا والليل
ويصحي بالأمل قلبك يلون حلم كان حبك
ف تغرق في المدى والميل

,,,,,,,,,,,,,

ياضحكه تشق جدار الروح
يابسمه طايره ف عز النوح
يا قلب طاهر و وش زاهر
بيملاني أمل وطموح

فك التكشيرة

ليه القلوب دي مكشره،
وحياتك فكي التكشيرة

وليه العيون متحيهه،
رموشها دبلت م الحيره،

يللى انتي لسه صغيره،
لسه الأيام جايه كتيره.

فكي الضفاير وافرحي،
واملي المكان بهجه كبيره
ربك وقال لك تصبري
ولا حقد يحصل ولا غيره

إرمى الحمول تصغر وتدوب
والكل ح يشيل الشيله

الحلم دایس علیہ

وظموح سريع رهوان
ف سباق كأنه حصان
ماحاجه توقفه
الحلم دايس عليه
حالف يجيبه إليه
يلجمه يحققه
قلبي عليه انظر
وقلبه ماكنشي حجر
لكن ظروف البلد
همله ورميه الولد
طحناه وضهره انكسر
وعميه عنه البصر
لما كره لقفته
حيهاجر وحيسييك
والغرب ياكلوا خيرك
ودمعه سايل سيل
تأاالسى أمه الويل

كان الولد ضلها
سندها اخر عمرها
,,,,,,,,,,,,,

ضحكتك غسل وسكر
والحياه بك تحلى أكثر
ياربيع عمري يا حبي الغالي
حبك كل يوم بيكبر
.....

شايقة صباحك ليه مش فايق
مشغول الفكر ومتضايق ..
ارمى همومك ع الفتاح
تبقى سعيد القلب ورايق

الهدوم بتدارى ياما

الهدوم بتدارى ياما
والوشوش من غير علامه
لما نبحت ع السعادة
سهل جدا بنلاقيها
ف القلوب الطيبة
والحنان والطبطة
كلنا نحتاج لشيء منعرفوش
مستخبي

جو شيء مبنفصلوش
والآلم المر جدا مانقولوش
يمكن كلمة تزود نبضه
يصبح زي غريب على أرضه
أو يكتب للحب حكاية
يطرح ليله ألف نهار
ويخليه م الفرحة سعيد ..
تايه وسط الناس محتار
واما بيرحل فجأه ويمشى ..
يمشى بسرعة بدون أعذار

يبقى الكون فى عيونه ظلام ..
يقلب كل الحلو مرار ..
إياك تجرى ورا الأوهام
عامل فيها انك مبسوط
وانت صراخك
جوه ف قلبك زى الموت
نفسك تلقى شعاع من نور ..
يسكن جواك أحلى شعور
تمشى وراه ولآخر السكة
فى طريق حب وماعرفتوش ..
تجرى عليه واللهفة فى قلبك
تمسك نبضه وماتسيبهبوش

عيش اللحظة

ياللى سعادة الدنيا بقربك
إياك تهجر أو تنساني
البسمه تفارق أحلامي
و العمر فى بعدك ينساني
الوحدة تغيم على روي
السهد يصاحب وجداني
ياللى وجودك يبقى الجنة
وتعطر زهرة بستانى
ياجمال الكون لما بتضحك
النجم فى ضيك بيلالى
والسما تتوضى من كفك
وتطرز بالحلم أماني
الشمس مكسوفه منك
لما ظهرت يا عمرى الغالى
بتدارى ف نورك الوردى ..
وتغيب تستناك للياللى
تشحن روحها وببك تتباهى

وتقولي أحلو زماني
أمسك خيطها
دفي قلبك بشعاعها
وإحساسها الحاني
تلقى الكون بيغني معاك
وبيغزلك توب السعد ..
أخلع ياللا جميع أحزانك
قرب ماتفكرش في حد
عيش يومك بجمال الفكره
عيش اللحظة بروح الفطره
حب بجد ..
عيش زمناك عيشني زماني
د اللحظة لو راحت منك
صدقني ماہترجع تاني
ومش هتلاقي لصوتك رد

أنا إنسان

أنا الفرح الي مستني يعيش لحظات
أنا الي ضحكت للدمعه بصوت وسكات
أنا الي قلبت احزاني لهم ضحكات

أنا الصرخه
أنا الزفه مع الطرحه
أنا زغروته جت تطلع لقيتها دموع على النايات

أنا الحبل إالى مشدود فى الهوى
و طائر
لا له أول و لا آخر
لكن صابر
على حالي
و جرح القلب ببسح ف دموعه آهات

أنا الهربان من القضبان
ويوم ماعصيت ..فى يوم عقلي ..

لقيت قلبي بيوصف لى
الجحيم متاهات
أنا العايش في قلب الحلم
و مغمض عيونه
عشان ما يلمحش الحقيقة يموت
و لو فتّحها يتدارى ف تابوت أنات
ونفسه يعيش سعادته
زى خلق الله
لكن روح الحياه
ماتت في روحه خلاص
و أصبح ضل حد و مات
انا إلى الدنيا سرقاني
وقرفاني .. وتعباني
و شايلة الدمع علشاني
بتكرهني .. وتهواني
تيتمني .. وعوزاني
ترضعني حليب علقمها
سقياني الألم ف سكات
و عشت الحلم يغريني
و أفسر له الألم منامات
ويوم ما أعيشه يديني

آلام وأهات

ينسيني إن أنا إنسان
ومن حقه الفرحة ألوان
يعلمني بأن الحزن أيامي
وفرحة في الزمن أوقات

كورونا

سَنه برق ورعد ومطر !
والعالم كله ف خطر
وحياة الناس مرهونه
ب كورونا جديد وانتشر..

قايروس متصّع لينا
واهو حالف يقضي علينا
والملجأ مين غير ربك؟!
سبحان أعظم مَنْ غفر..

نلجأله في الأزمات
في الشدّه والهزّات
نرفع أيدينا بدعوات
إني مغلوب ف انتصر ..

قلبك زعلان وإنقهر
علي بُعد حبيب إنفطر

إدعي لربك سبحانه
بيلين قلب الحَجَر ..

جمّع فتافيت الصور
وارسم احلامك قمر
ماتخافش أكيد من بُكره
خليك عصفور ع الشجر..

,,,,,,,,,,,,,

هَلِّ يَا رَمَضَانُ

هَلِّ عَلَيْنَا يَا رَمَضَانُ
وَاشْرَحْ قَلْبِي بِالْقُرْآنِ
مَنْ قَبْلَكَ كَاتَ رُوحِي فَ غَفْلَةٌ
عَنْ تَوْبِهِ بَعْدَهَا غُفْرَانُ
“

هَلِّ عَلَيْنَا يَا شَهْرَ الْخَيْرِ
قَلْبِي رَهِيْفٌ زِي الطَّيْرِ
مَظْلُومٌ وَبَطِيْبَتُهُ بِيْسَامِحٌ
وَتَمَلِّي بِيَحِبُّ الْغَيْرِ..
“

هَلِّ بِطَاقَةِ نُورٍ لِقُلُوبِنَا
نُورُ كُلِّ طَرِيقٍ فِي دُرُوبِنَا
خَلِيْ فِ وَقْتُ الْعَسْرِ لِسَانَا
يَدْعِي الْمَوْلِيْ فِ يَمْحِي ذُنُوبِنَا..
““

هَلِّ بِفَرْحِهِ وَرَزْقِ كَثِيرٍ
وَاطْعِمْ قَلْبَ وَبُوءٍ فَقِيرٍ

خلي الناس في قلوبهم رحمه
صح ليهم خط السير ..

،،،

هلّ إفتح لقلوبنا مساجد
إكفل قلب يتيم او ساعد
الحسنة بعشرات اضعافها
في الاخرة هتكونلك ساند

كوكتيل

صدقني انا قلبي خفيف
في الكذب مهوش حريف
لسه بيتعلم يحبي
ويحب الناس ولطيف..

،،،

والله انا قلبي ضعيف
بيحن لنسمة صيف
وبيتألم علي ألمك
وخجول جدا وعفيف ..

،،،

انا قلبي دا زي الورد
عمره ما يزعل حد
حتي الناس اللي بتجرح
مسامحها لأبعد حد ..

،،،

قلبي دا غنوه لصباح
فيروزي ف مسا وصباح
وف عز هدوءه نجاه
او ثومه ف قلب براح ..

،،،

قلبي دا كوكتيل نغمات
عائش احلامه سكات
طاير في السما موجوع
وبيصبر في الأزمات ..

بحرين عيونك

ولحد عندك والكلام بيخوني
بحرين عيونك غربوا قلبي
يا أحلي صورة في العيون والنني
طل القمر
طلبت عليه في علاه
إداري منك لما شاف حسنك
والورد فتح وصبح ع الوجود بسام
وورد خدك جماله يشبه الأحلام
أما الشفايف كاسات خمرتها تسكرني

،،،،،

ولو سألوني

ولا سألوني عن حبك
أقول انك ملكت الروح
ولو سألوني عن قلبي
فقلبي لك بسره يبوح
ولو سألوني عن قربك
معاك قلبي منين ما تروح
ولو سألوني عن بعدك
أقول فى البعد كلى جروح
قولولي مين حبيب القلب،
نبض القلب يجاوبكم
حبيبي هوا نبض القلب
لا قبلك يا حبيب عمرى

ولا بعدك

ولا غيرك فى عمرى حب
مشيت عمرى على دربك
يطول الدرب همشيلك
وأملني إني أوصلك
يفوز قلبي بنعيم القرب
أنام واصحي على حبك
واعيش عمرى بحلم هواك
عيونك سر إلهامي
وصورتك منها سر هواك
بيهوي القلب بسماتك
ويعزف لحن نغماتك
ووردك فى الخدود نادي
وعبيره يفوح
ولو سألوا عن النسيان
أقول انسي الوجود وياك
يا عمرى،،، لو نسيت عمرى
لا يوم ولا لحظة فيها انساك

وفكري وانشغالي عليك
فى غيرك انت مش مسموح
ولو فكرت تنساني
تفوتلي القلب ده مدبوح !

شذا حبك

يا كل جمال فى دنيايا
أنا عاشقك

جمال الورد وعبيره
وأجمل من عبيره شذاك
ونور البدر فى ليالي صفا،
وصفاك...

بيسقيتي الهوى بكاسه،
وشوق لعنيك،
بياخذ قلبى لبحورهم،
تتوه فيهم،
ياخذنا الموج.

ويحدفنا على مرساک
وأنا بهواك

ياهمسة بالحنان تسرى بها النسمة
تططب ع القلوب...

تحيي

قلوب العاشقين بهواك

أنا عاشقك
وبصحي ونام علي صورتك
على سيرتك
أشوف طيفك فى أحلامي
وأيامي مزوقها الفرح بلفاك
وأنا بهواك
يا ريت الحب ده عادى
شغلي البال
فى يوم والتاني
والتالت قدرت أنساك!
لكن حبك رماني بسهمه، صاب قلبي
وجرح القلب صار له سنين
وصبر العمر ما دواني
وبتزيدني الليالي حنين
ماجاش على بالى يا الغالى
يكون حبك فى قلبي جنون
حاولت أبعد، ولا بقدر
وألقى القلب ليك يسهر
وببعد النجوم فى سماك
وأنا عاشقك

خالف كل العادات

أيوه بحبك مش خايف
وصريحة جدا بعلنها
همشي ف طريقك وهخالف
كل العادات الروتينية
أنا وأنت في الرحلة نكمل
بهوانا تحلو الدنيا
* * *

الدنيا مرة وهنعيشها
واتحدى بهواك قساوتها
هنسيبها ليه تنفش ريشها
بهداوة نقطف حلاوتها
ننعش هوانا وننعشها
هملا الكفوف واسقيك كاسي
وتدوق حلاوة إحساسي
وتشوف عيوني كتير م الناس
وانسى العيون إلا عيونك
واخاف عليك ترقيك عيني

ياللي بقيت أهلي وناسي

* * *

تبعد وفي القلب حنانك
مش معنى بعدك نسيانك
حرماني منك أصعب شيء
ولو اشتكيت من حرمانك
قلبي أنا يبكي عشانك

* * *

قلبي وانا بنستنى لقاك
واحلم تاخذني واطير في سماك
ولولاك ما كانت أحلامي
جنة هنا ونعيمها هواك

* * *

مهما تعدي سنين وايام
وأسهر أنا وقلبي ليالي
يفضل غرامك أحلى غرام
وصورتك الحلوة ف بالي
وانافي انتظارك نار الشوق
نور والأمل للقلب طريق

رجال

في كل خطوة سلامة
وف كل لحظة أمان
يارب يجعل طريقك
مليان بنور وإيمان
من كل قلبي
يا نبض القلب بدعائك
في حفظ ربي
تصونك
عناية الرحمن
يسعد نهارك وليلتك
ويجملك بالستر
يا قلب أبيض وصافي
زي اكتمال البدر
حظي أنا م السما
مفتوحلي طاقة قدر
وردة ربيع فتحت
طلع الصباح بسام

كل الهموم روحت
واتبدلت لأيام
لما عنيك صبحت
ع الدنيا بحنائها
أجمل عيون شفتها
مسكونة بالأحلام
رحال وواخذ معاك
القلب ومسافر
في عيوني انا شايلاك
في البال وفي خاطر
يا حنة مني انا
بين الضلوع حاضناك
يا نبض قلبي وقلبي
في الدنيا عايش ليك
عمري وشبابي يا عمري
وبهجة الأيام
ترجعلي سالم يا قلبي
يباركلي ربي فيك

لو مره

ولو مرة
تسبقني إنت
وتسأل عليه
يا نبض قلبي
ونور عنيه
من غيرك انت
ولا تسوي حاجة
الدنيا ديه
ولو مرة
تبعثلي كلمة
وتقول سلام
دي الكلمة منك
أجمل هدية
والهمسة وردة
حلوة وندية
والضحكة فرحة
والإبتسام

للقلب نشوة
للروح أمان
ولو مرة
تجيني إنت
أو حتي تبعت
تلاقيني طايره
من كتر شوقي

فوووق

إياك فاكّر إني ف بعدك،،
هّبقي تمام
عائشه حره طليقه و اغني
فوق وحياتك م الأوهام
أهو تقضية وقت،،،
لحد مايجي الموت وارتاح
ولا عشان بتبسم وسط الناس واتكلم
يبقى انا كده قلبي مرتاح
ولا عشان بتجاهل عمري
وعامله سعيدة
تبقى حياتي براح افراح
أنا من غيرك كائن حي
مابتفرقش معاه ايامه
و لا من رايح ولا من جاي
وكابوس الوحده ف احلامه
وعيني بحبك فيه الضي
تتنهد وتأنّ ألامه

ذكرى جميلة تبكيّ الناي
مكسوره وقليلة الحيلة
والقلب في بعدك بكاي
مش فارقه ليل ولا صباح

مسير الحى

مسير الحى يتلاقى
وطبعك يا زمان دوار
وفيه فى الدنيا ضلمة ونور
بييجي الليل، وبعده نهار!
وزى مافيه ربيع وزهور
ففيه أشواك، وفيه صبار!
وربك ناصر المظوم
يجيبه الحق م الظالم
هييجي، مهما لف ودار!

تانجو

حضنك أمان
سابع خيالي ف لمستك
فوق السحاب
طفلة بتجرى على الحنان
واللحظه شوق
سكنه قلوب صابها الجنان
مانا أصلي بحلم يوم لقاءك
والنبض يرقص من هواك
على لحن تانجو والكمان
رقصة بتحضن في الزمان
تعالى تاني وضمني..
واكتبني غنوة تهمني..
رغم الفراق..
رغم المسافة والبعد..
قلبي وقلبك يا حبيبي
اتجمعوا ف نفس الميعاد.

شد الرجال

يا قلبي شد الرجال
واطوي البلاد لحبيبك
زاد الحنين للوصال
والشوق لهيبه يجيبك
واللي ابتدا بالفراق
دمع الندم من نصيبه
وانت يا شاري الوداد
صابر وراضي بنصيبك!

بائعة التوت

زى العسل آا يا حلو يا توت
يا جميل وزاهي ف أجمل عود !
ويا الربيع يا بشاير خير
يا فرحة هلة بتملي بيوت
* * *

أبيض ياتوت،شهد مكرر
أحمر يا عنابي مسكر
أسود،ولا تعديه وتفوت !
زى العسل آا يا حلو يا توت
* * *

يا حلو قول مين زيك مين ؟
وغلبت على كل الحلوين
يا لذيد،ولا فراولة،ولا تين!
وفين تروح فى التوت يا كريز؟
غالى يا لولي،،يا أحلى ياقوت
زى العسل آا يا حلو يا توت!
* * *

يا توت يا حلو ولك عادة
وما شا الله ،طرحك بزيادة
بيك الحبايب تتهادي
صغيرين وكبار حبوك
يا حلو فى حلاوتك بنموت
زى العسل آا يا حلو يا توت!

،،،

أنت عارف

إنت عارف إنى طفلة...
لسة بحبي جوة قلبك
لسة بتسند، واحاول
فى رحاب عشقك
أخطي
كل نبضة ف قلبى بيشكلها نبضك
والدفا اللي ف قلبى برضه.....
من دفا حبك وحضنك
إنت عارف إنى طفلة
عيونها ليك متشوقة!
روحها بيبك متعلقة!!!
طفلة لكن كل ما فيها
وكيانها، ليك وبس
ليها قلب بعيش عشانك
بيك يحس!
عارفة إنك قلب مليان بالحنان
صورة مرسومة ف عيوني....

جوة قلبى
بيها بتونس وبيها
يחס قلبى بالأمان
روح جميلة...
جناحها وردى
ضله فارد ع المكان
انت عارف انى لسة
فى الهوى طفلة بريئة
كل أحلامها تكون لك
إنت وحدك.....
وانت ليها بكل إحساسك
وكلك!!!
طفلة.....
لكن قلبها مسكون بحُبك !

ليلة القدر

يا ليلة القدر بقدمك
يهل العيد
تجيبني البشري، والفرحة
شموعها تقيد
ونحيي الذكر يحيينا..
سلام النفس ليها يعود

يارب الناس،، أنا والناس
على بابك
دموع التوبة فى رحابك
ولجنا بك رفعنا الإيد

ومين غيرك هيسمعا
طبيب نشكيله أوجاعنا
رحيم وودود؟

يارب بعطفك اشمنا

رجانا فيك
يا عالم بينا وبحالنا
تكالنا عليك
يا رب اهدينا واديننا
ومن نعمك علينا زيد

يا باسط لنا رحمتك
وبالغفران علينا تجود

يا رب ارزقنا من فضلك
وكرمك اللي ماله حدود

فى ليلة القدر تكرمنا
تعودها علينا بالبركات
تخلي كل قلب سعيد

تأشيرة

مفیش حتى صباح الخير
مفیش ولا بوسة تصبيرة؟!
تعین قلبي الأسير ع البعد
تشيل الحزن والحيرة?!
* * *

خلاص، ولا الزمن قساك
وقدرت على بعدي وهجري؟!
يا عم دا الصباح لله
تقابلہ إزاي بتكشيرة?!
* * *

يا عم ع القلوب حاسب
وعاملها كده برقة!
دی كلمة رقيقة بالدنيا
ومن كل الكنوز أبقي!
وضحكة جميلة تفرحها
دی حتى بسمتك صدقة!
بشاشة الوش له عنوان

ونوره أغلى تأشيرة!

* * *

يا عم تعالى نتفاهم
كلام بالراحة، بهداوة
دى كلمة بتجبر خاطر
وهمسة طعمها حلاوة
أثرها فى القلوب حاضر
وتفضل طيبة السيرة!

* * *

بتبعد، والزمان قساك
على الأحباب وع الخلان
وليك جوة القلوب دى مكان
بحور أشواق وشط حنان
سنين عدت، لىالى تطول
من الحيرة، وم الحرمان
ولو ترجع،،، هنا جنة
هنا قصر الهوى المعمور!

* * *

يا صاحبي دى الحياة حلوة وميسورة
فعيش في الدنيا دى بوضوح
جمال القلب ويا الروح
بيطبع نوره ف الصورة

* * *

ما بينا فى الهوى حكايات
خديتني فى الهوى دروبك
وعديت فى البحور مسافات
وتاهت مركبي منى
وتاه قلبي فى وسط الموج
أمانة يا بحر وصلنى على المينا
واخذني الشوق لأحبابي
وعمري بالحنين مبدور

،،،

قلبك آسف

وما دمت ف حبك كده خايف
لا تخوض فى معاركه ولا تجازف
دا الحب جنون
من غير مواعيد ع القلب يطب
ويغري عيون
ويهيم بالروح
ويلف الكون
تلاقيك،، غرقان،،
فى بحور ما لهاش مرسى وشطان

مين شايف آخر الحب دا إيه
مين سامع حكاويه،،،
مين عارف
يمكن يصدق وياه الحب
يمكن يطلع أوهام وظنون
بنروح للحب برجلينا
ونجرب ناره،،

وبأيدينا
مين عاش الحب
وداق فيه هنا ولا سعادة
دا محدش شاف فى هواه
راحة
أيامه ف حيرة وشوق وعذاب
وليالي طويلة وجراحة
نفرح وقلوبنا تغنيله
ونور شمعہ وقناديله
وبنزرع ورد ونجني الشوك
وبنغزل للشوق مواويله

ويا حب وشاطر تغوينا
نغرق، ولا حد ينجينا
قادر يا هوى تكسر فى قلوب
تجرحنا سنين
وسنين نصبر
والصبر مرار
يمالنا كاساته ويسقينا

الشاعرة فى سطور



هاله العكرمي
جمهورية مصر العربية المنصورة
ليسانس لغة عربية ودراسات اسلاميه بنات
المنصورة الازهر الشريف
عضو اتحاد كتاب مصر
شاعرة فصحي وعاميه
عضو نادي ادب طلخا
عضو رابطة الزجالين والأغاني
عضو صالون النهار
عضو بصالون المبدعات
شاركت فى العديد من المهرجانات الأدبيه واخرها المهرجان
الادبي لاقليم شرق الدلتا الثقافى
نشر لها فى العديد من الدوريات الثقافيه مثل اوراق ادبيه
الصادرة عن وزارة الثقافة .
والعديد من الجرائد الورقيه والمواقع الالكترونيه
شاركت فى العديد من اللقاءات التلفزيونيه والاذاعيه
صدر لها ديوان الجيوش الهوجاء وعلي مذبح الحب وكمنجه
وديوان عينك رسائل عشق فصحي تحت الطبع وديوان عاميه
آخر تحت الطبع. لها العديد من القصائد المصورة علي اليوتيوب

محتوى الكتاب

2	بطاقة
3	فوز مستحق لمبدعة كبيرة - بقلم : أشرف بدير
4	الإهداء
5	عشقى عينيك
7	بنتى
8	دبلة الخطوبة
9	وقدرت
12	سنابل نور
14	الغيرة الحلوة
17	نقطة ضعفى
19	تسمحى لى
22	سواح
23	سيب قلبك يحب
24	مستحيل
25	نبيع البهجه والأفراح
27	وقت الخسوف
28	عطر السوسنة
29	نبض الحب
30	موج الحب

32	 بالهداوة
34	 دهشة
35	 يوم ميلادى
36	 بحبها 1
37	 بحبها 2
38	 انت
39	 بصراحة بجد
42	 مش خايف
43	 شهد اللقا
44	 توبه
45	 حروف العين
46	 مش معقول
48	 نفسى أقرب منك أكثر
49	 صباح العيد
51	 أجمل صورة
53	 روح غريقة
55	 يانيل
57	 إحنا حوا
59	 خليك إنسان
61	 العشرة دفا
62	 بياتولا

66	 فيروز
67	 سحر القمر
69	 فى حزن الليل
70	 كنا اتفقنا
72	 غرامك فرض
75	 هوه صحيح
76	 حب الحياه
79	 أحلام
82	 كتبتك
83	 أنا بتهجى
85	 براهن عليك
86	 عاليًا
88	 صباحك جاى
89	 فك التكشيرة
90	 الحلم دايس عليه
92	 الهدوم بتدارى ياما
94	 عيش اللحظة
96	 أنا إنسان
98	 آلام وآهات
99	 كورونا
101	 هل يارمضان

103	 كوكتيل
105	 بحرین عیونك
106	 لو سألونی
107	 ولا بعدك
109	 شذى حبك
111	 خالف كل العادات
113	 رحال
115	 لو مره
117	 فوق
119	 مسير الحى
121	 تانجو
122	 شد الرحال
124	 انت عارف
126	 ليلة القدر
128	 تأشيرة
131	 خليك آسف
133	 الشاعرة فى سطور
134	 محتوى الكتاب